


Lwanyuma, baselikhale Baroma baarakho libaale, baakiliindila ilala. Nashiryo nga mbaawo unyala weenjamwona namwe waarura ta.

19



Ne iba bari yino niyo intsakamo ye luukano luno, khali shaba shiibi naabi. Ne shonyene ndi Wele aakhola shishiikhali sha busheele ta, she kamakaanga. Yesu s'aaramayo nga umufu ta!

20



Kumutikhinyi mamilimili, khu shifukhu shishiinyoowa she mu wiiki, batweela khu baleekelwa ba Yesu baawuunayo baanyoola nga libaale lyaapilingisibwile khukhwaama khu n'gani.

Ne nibenjila besheenga mukari, baanyoola nga Yesu s'aalimwo ta.

21



Ne umukhasi mutweela waaramayo, nga ali khuulilila khu n'gani. Nga ali awo, Yesu waamubonekhela! Umukhasi uyo wekhuuna tsindimo ni kumwiikhoyo kumukali, khuutsya khuboolelakho baaleekelwa babaandi. "YESU ALI


UMULAMU!

WAALAMUKHILE KHUKHWAAMA MU BAFU!"

22



Pasika Iyanyoowa



Khaangukho, Yesu weetsa isi baaleekelwa beewe, waabokesa tsimbaaso tsye kimisumaali tsitsaba khu makhono keewe. Shaba shili shan'gali. YESU AABA ALI UMULAMU LUUNDI! Abweene awo weyakhila Petero lwe khuuumwikaana, naluundi waaboolela baaleekelwa beewe khuutsya baboolelekho buli muundu bibiimuwaambakho. Lwanyuma lwaawo, weelayo mwikulu isi aama makiboole.


23

Pasika Iyanyoowa
Luukano khukhwaama mu Lomo ya Wele, I Bayibuli
Inyoolekhana mu
Matayo 26-28; Luka 22-24;
Yokana 13-21
"Bilomo byoowo nga byeenjiile bireera buwaanga." I Zabuli 119:130


Byaronebwa ni Edward Hughes
Byaloosebweelakho ni Janie Forest
Byaayusibwa ni Rev Eridad Milton Shissa
Byan'gan'gasibwa ni Lyn Doerksen
Luukano 54 khu 60
M1914.org
Bible for Children, PO Box 3, Winnipeg MB R3C 2G1 Canada
I Layisiinsi: Uli ni buubalaayi khuukoopolola namwe khuukhupisamwo luukano luno, n'uuba nga s'uuli khuutsya khuulukulisa ta.

Wele waamanya ari ifwe khukhola bibiindu biibi biikali, byeesi umweene alaanga ari bibyoonako. Shishaama mu khuoonaka nikhwo khuufwa.
Wele akhukana ifwe naabi, woola ni khuurumana Umwaana weewe, Yesu Kristo khuufwiila khu Musalaba, nio abe waahaandile kumusaango kweefwe. Yesu eetsa nga ali umulamu, waakylawo weelayo Mwikulu! Ari Wele anyala weyakhila bibyoonako byeefwe.
Iwe n'uuba nga ukana khuushuukha urure mu byoonako byoowo, loma shino isi Wele: O Wele, ise ifukillisa ndi Yesu aafwa khulwase, ni naari aliwo mulamu luundi. Ikhwikoontselela yiitsa winjile mu bulamu bwase, wiyakhile bibyoonako byase, nio inyalise khuuba ni buulamu bushaakha ari, nio lwanyuma lwayo imbe ni nawe biilo ni biilo. N'unjeete imenyewo buulamu bwase khu lwoowo, nga Umwaana woowo. Amini. Yokana 3:16
Soma I Bayibuli yoowo, ukanikhatsake ni Wele buli busheele!

Lumasaaba




Umukyelama mutweela weemikha khu khakoongo khatweela nga babaandu beetsuulekho bakhupa liyoombo, nga tsimoni tsyeeewe tsyetsuulemu kumutaambo, nga waalolelelele bye bumooyaani bibili khuukhokleka. Umusooleli weewe aba alikhuufwa. Maayi yuno aaba niye
Malyamu, uwaba weemikhile aambi ni shiifwo mweesi baatsaangilila Yesu khu musalaba.



Ne bino byoosi byakhokleka biryeena? Manya shanyalika shiryeeena Yesu uwamena buulamu buulayi buryo khu shibala, lwanyuma waabwakamisayo mu saambo iye kumutaambo kumukali kuryo? Abe Wele anyala aryeena waafukiilisa Umwaana weewe khuutsaangililwa khu musalaba, afwiilekho? Manya Yesu s'aamaya shiina shisheene sheesi niye aaba ta? Manya Wele aaba waakhaasikhanile?


1

2




Taawe! Wele s'aakhaasikhana ta! Yesu mbaawo sheesi aakhola shiibi ta. Yesu khukhwaamila ilala makiboole aashimanya ari, imbuka ikhoole babaandu baabi bamukhoonye. Abe yaakhaba anga ashiiili mun'gaalye, umusaakhulu Simeoni aaboolela Malyamu ari kumutaambo kwaakhuliindiilile mu biseela bye mu moni.

3




Mu bifukhu bikyeeke biri nga Yesu ashiiili khukhwiiribwa ta, yabawo umukhasi mutweela uweetsa waamutsukhukhakho kamafura kakaawunya buulayi khu bikyele byeewe. Ne Baleekelwa beelun'guunya bari "Alikho oonakisa kamapeesa." Ne Yesu umweene waabeelamwo ari, "Umukhasi uyo waakhohlile kumulimo kumulayi. Shino waashikhohlile khuurekekhelela khuusiikhibwa khwase." Biilomo bino biyaangisa naabil!

4




Lwanyuma lwa bino, Yuda, uwaba mutweela khu baleekelwa ba Yesu likhumi na babili, waatsya waafukiilisa ni basaayi baakhulu khuulya mu Yesu luuwomelo, nabo bamuwe bisiintsu 30 bye feetsa.

5




Imbuka niyoola iye Kamayiya ke Bayudaaya ke Khuubirakho, Yesu waaba nga ali ni khuulya she angoloobe shishakamayo ni baaleekelwa beewe. Khu mbuka iyo waababoolela bibiindu biikhulu bibiwaamba khu Wele ni bisuubiso byeewe isi abo boosi babaamukana. Lwanyuma Yesu waabaha kumukaati ni shikoombe ari bakabanane.

6



Lwanyuma Yesu waabaha kumukaati ni shikoombe ari bakabanane. Bino byaba bye khuubashebusa biri Kumubili kwa Yesu ni Kamafuki keewe byaba byaawaanibwileyo lwe khuureera khukhwiyakhilwa khwe bibyoonako.

7




Lwanyuma kila Yesu aboolela basaale beewe ari atsyu khuliibwamwo luwomelo, naluundi ari boosi batsya khutitukha bamulekhe. Ne Petero niye weelamwo ni kamaani keene ari, "Ise singene inditukhe tal!" Ne Yesu waamulomela ari, "Itwaaya inaba ishiili khukholyookha ta, kane ube waantsikaanile ise kimishiimba kitaru."

8



Lwanyumakho shiilo isho, Yesu waaniina khuutsya khuloomba mu Mukuunda kwe Gesisemaani. Ne baaleekelwa babaaba ni naye baawungukhila. Yesu niye waaloomba ari, "O Paapa wase, khayoy shikoombe shino shindurekhe. Ne akhuba nga ise ni ngana ta, ne khayoy sheesi iwe ukana shikholebwe."

9



Khaangukho, kutuuli kwe babaandu beetsa mu mukuunda nga bakhuumba, nga Yuda niye ubaraangilile. Ne Yesu niye s'aakhaandiila ni nabo ta, ne shonyene ndi Petero waakhallakho mutweela khu nibo khukhuru khweewe. Ne mu mbola busa, Yesu waatsya weesakho khukhuru khw'omusaani uyo, waamuwonesa. Yesu aamanya ari khuuwaambibwa khweewe, yaba sheesi Wele akana shikholekhe.

10




Kutuuli kwe babaandu kuno kwaayila Yesu muungo mw'Omusaayi ufuura buukhulu. Ibwene iyo baaraangilisi be Bayudaaya baafukiilisa bari Yesu aakha khukhwiiribwa. Ne aambikho awo, Petero aaba wekhaale alikho oora kumulilo ni babaakaanisi b'omusaayi, nga alolelela bibiili khuutsya mu moni.

11



Kimishiimba nga kitaru kimibuufu, babaandu baakhondoolaka Petero nga baloma bari, "Iwe nawe wabezele atweela ni Yesu!" Ne kimishiimba kitaru kyeene, Petero waaba nga ekaana lubuula, nga Yesu n'aaba waashilomele ari akhaamwikaane. Petero woola ni khuutsuba ni khukhwitsuba.


12



ITWAAYA IKHOLYOOKHA

Khu mbuka iyo, itwaaya yaakholyookha. Lino lyafwaana busa nga likono lya Wele isi Petero. Ne n'aashebulila biilomo bya Yesu, waarundukha waalila kamasika luukali.

13



Yuda naye wewulila ari kwaamufurire. Aashimanya ari Yesu s'aalikho ni kumusaango kwoosi, namwe shiibi shoosi ta. Kila asuta bisiintsu bya feetsa 30 tsana waabisayo, ne Basaayi baabikaana. Aryo Kila Yuda atuuma awo kamapeesa tsana kano, waarura, waatsya wekoka.


14



Basaayi baareera Yesu isi Pilato, uwaba gafana we Baroma. Kila Pilato aloma ari, "Ise naakhunyoolakho kumusaango kwoosi khu muundu yuno ta." Ne kutuuli kwe babaandu kwaayokesela angaaki kuri, "Mutsaangilile!"


Mutsaangilile!"

15




Ikhumaliilisa, Pilate waafukiilisa, waakhallila Yesu kumusaango kwe khuufwa khu musalaba. Baaseliikhale baakhupa Yesu bifuusi, baamufuutsa kamare mu moni, baamukhupa tsimbookho. Baamuruungila ikuutwa iye kamawa kakokiya kakaawunaka, baakimukwaarisa khu murwe kweewe. Lwanyuma baamuyila baamutsaangilila khu musalaba, afwiile khu bweene ukhwo.

16



Yesu aaba waashimanyila ilala ari atsyu khufwa musaambo iyo. Naluundi aashimanya ari khuufwa khweewe khwaba khutsya khureera khukhwiyakhilwa khwe bibyoonako isi baboonaki babaara kumwiiyikino kwaabwe mu niye. Baatsonwaaki babili baatsaangililwa atweela ni Yesu. Mutweela khu nibo waafukiilisa mu Yesu - umweene uyo waatsya khuuba mu Mwikhoyo. Ne ukuundi s'aayilibwa ta.

17



Lwanyuma lwe tsisaawa khuubirawo nga abonabona, Yesu waaloma ari, "Shaaweele," waafwa na khufwa. Kumulimo kweewe kwaba kwaaweele. Baasaale beewe baamusiikha mu n'gani iya buraawa.

18